



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XXXV. Laicus ecclesiam spolians est excommunicandus.

**urn:nbn:de:hbz:466:1-15588**

contemptor extiterit, eum, si manifestum fuerit, appellatione cessante, excommunicationi subdatis, & usque ad dignam satisfactionem, sicut excommunicatum, faciatis arctius eutari.

ANNO  
CHRISTI  
1179.CAP. XXXV. *Idem Lugdunensi archiepiscopo.*

Grauis illa & odibilis querimonia, quæ usque ad nos super deposito tuo tibi hactenus denegato peruenit, duplci nos anxietate perstrinxit, eo quod tibi in hoc & deesse non possumus, & adesse, prout velles, efficaciter non valemus. Cum enim non constet nobis, pecuniam tuam, quam ille, ut vir Belial, impia & detestabili surreptione furatus est, in utilitates ecclesiæ conuersam, nec de iure debemus, nec possumus contra canonicos eiusdem ecclesiæ præcise intentare iussionis instantiam, vt tibi eamdem reddant pecuniam, personæ, non ecclesiæ commendatam. Quocirca discretioni tuae consulimus, & internæ caritatis intuitu suademos, vt in raptorem illum & furem, tuam interim dirigas actionem, eo quod, vt audiuimus, loculos habet. Nos enim venerabilibus fratribus nostris Senonensi archiepiscopo apostolicæ sedis legato, & Parisiensi episcopo dedimus in mandatis, vt illum iniquum sub duris quaestiobus ponant, & etiam, si oportuerit, vinculis macerent alligatum, & affligant, vt bene ligatus, cogatur reddere, quæ male dissolutus, ausus est asportare. Ceterum circa ecclesiam illum affectum te habere volumus, vt nihil ab ea requiras \* indebitum. Si autem cum eis amicabiliter poteris pactionem pacisci, noueris id nobis acceptum.

CAP. XXXVI. *Idem Bituricensi archiepiscopo.*

Consuluit nos tua fraternitas, an sit appellationibus deferendum a carissimo in Christo filio nostro L. illustri Francorum rege pro Iudeis interpositis, vt Christiana mancipia detineant, & utrum sustinere debeas, quod de novo construant synagogas, vbi eas nullatenus habuerunt. Scripsimus itaque memorato regi, vt a defensione Iudeorum in hac parte desistat. Super hoc etiam ipsum per alios fecimus admoneri, & credimus quod monitis nostris acquiesceret: quia non esset rectum, vt quod a sanctis patribus & nuper in Concilio statutum est, negligenter seruaret.

Vnde